



瑞葉山房叢鈔

十一

4曾4
595
61

六十一



門 1 4
號
卷

歷代畫史彙傳卷二十九目錄

陽韻

王時敏 本朝 瀚

斌

節

戩

鑑

嶠

鐸

含光

崇簡

應華

概

元慧

遂

國爰

岱

庭

崇節

武

撰

徐錫

子元

原祁

著



國材	有年	丕烈	世琛	雲	畧	穉	臬
侃	祺	士	敬銘	石	銓	復禮	翬
樸	樹穀	藥	昱	琨	者佐	鼎	犖
邦采	尊	簡	雋	遐	基永	磊	無忝

烈	蓼	毓賢	質	琦	汶	瑾	基
疇	之敬	逸民	嘉	奐	禧	廷魁	鑄
恩浦	漾	炳	堅	遠	斌	愨	嶽
嶼	瀛	宸	嶢	子寧	肇基	德普	譽昌

畫史彙傳卷二十九目錄二

廷勳	顯	宏	錚	詰	岡	猷	廷音
興謨	玖	之民	香谷	仲	憲曾	復祥	大椿
嵩萬	寶序	錫疇	孫耀	裕曾	繪	琛	維寧
順曾	亮	三錫	志熙	鳴韶	之瑜	詒燕	峻

綸	敦仁	鼎	蘭	昭被	溶	振聲	元勳
國輔	林	廷元	仲純	光昱	壤	源	震旭
立德	睿章	齡	步瞻	之佐	廷周	述縉	鳳崗
諤	鼎	岱	岷	潤	鳳儀	圻	惠

書史彙編卷二十九目錄三

光祖 學浩 應麟 世爵

恒 之孚 宜 巖

恭伸 子香 承寵 瑞芝

玉芝 霖 如南 桂山

晨 晉 會 時翼

克選 野 赤霞 詩

嘉達 兩峰 荆山 起龍

自吉 士譽 奕清 咸

宗烈 利亨 湘 文誥

基 鵬 幾 萼

翰 宗植 濤 壘

鏡香 暹 元幸 改

紳 謹培 國光 元淑

高詞 之漢 之楫 旭

澤 應綬 曇改 守耕

蓀 徽 耕 罔

緒

源

章

恒

舒
至惇

歷代畫史彙傳卷二十九

長洲彭蘊璣朗峯編

王

國朝

王時敏字遜之號煙客又號西廬老人太倉人崇正
初以蔭仕至太常祖文肅公錫爵暮年抱孫居之
別業以優裕其好古之心家藏本富取資甚深畫
窮大痴闢輿晚年益臻神化爲

國朝畫家之冠工詩文善書尤長八分書萬曆壬辰生康熙庚申卒年八十有九

江南通志 圖繪贊 熙朝名畫錄 蠶尾集 畫徵錄 庚子書畫評

毘陵六一詩鈔 江南通志 無聲詩史

王 瀚字其仲自稱香山如來國中人吳人與金俊

明同時山水秀潤能集諸家之長而別具風旨

金俊明題跋 耕硯田齋筆記

王 斌字五寅高郵人有黃筌邊鸞筆意

高郵州志

王 節字貞明號惕齋吳縣人崇正己卯舉鄉薦順

治中除桃源縣教諭工山水又工於詩詩中有畫

畫中有詩搆別業於雁宕古里名小輞川人以摩

詰後身稱之少失怙孝奉霜幃稟承慈訓作事循

理篝燈夜讀與母管宜人機杼聲相應家庭內外

肅如也生平尤尚氣節周忠介公順昌被逮吳民

環聚呼冤節偕諸人請巡撫毛一鷺以民情上聞

一鷺不聽遂直斥其黨奄狀坐除禁錮奄敗得還

顧秉謙奄黨也黨人多坐事秉謙竄歸於吳吳中
人士逐之急巡撫曹文衡責諸生曰若等宜閉戶
讀書何與彰瘴事耶節曰袞鉞者朝廷之權是非
者庶人之議節等讀書至杞檜誤國恨不剗刃其
腹焉能俯首與生杞檜同里聞耶卒逐秉謙去云
萬厯己亥生順治庚子卒年六十有二有惕齋詩
稿蘇州府志 吳縣志 南酌文稿 退齋心賞
錄

王 戩字孟毅漢陽諸生崇正中已爲楚名士善畫
工詩著突星閣詩集 圖繪寶鑑續纂 歸愚詩傳

漁洋文集

王 鑑字圓照自號湘碧又號染香菴主太倉人世
貞孫由祖蔭得官仕至廉州知府山水於董巨尤
爲深詣卒成大家蓋其祖鑒藏名蹟不減南面百
城鑑披覽旣久心領神會所得甚深凡
內府所藏者得邀

睿鑒褒題焉萬厯戊戌生康熙丁巳卒年八十

熙朝名畫錄 圖繪寶鑑續纂 無聲詩史 畫徵

錄 漁洋集 微泉閣集

王 嶧山陰人善墨竹 畫徵錄

王 鐸字覺斯孟津人天啟壬戌進士選入詞林宏

光召入內閣順治年官至尚書山水宗荆關蘭竹

梅石蕭然有意外趣博學好古工詩古文精史學

行草宗山陰父子正書出自鍾元常有擬山園法

帖諸體悉備云萬厯壬辰生順治壬辰卒年六十

有一謚文安 圖繪寶鑑續纂 無聲詩史 畫徵

錄

王含光字似鶴山西人崇正辛未進士本朝官至參

政山水脫略冠冕 蒲州府志 圖繪寶鑑續纂

畫徵錄

王崇簡字敬哉宛平人崇正癸未進士本朝官禮部

尚書畫法米氏萬厯壬寅生康熙乙卯卒年七十

有四著青箱集

圖繪寶鑑續纂

畫徵錄

王應華字園長廣東人勝國進士善蘭花竹石

圖繪

寶鑑續纂

王

概初名改本

畫徵錄又作丐本作

字安節秀水人家金陵

山水學龔賢人物亦妙間作大幅松石善詩文有

澄心堂紙賦見稱兄弟皆篤行嗜古旁及詩畫擅

名於時

江寧府志

圖繪寶鑑續纂

畫徵錄

蠶尾集

王元慧字無穎崑山人善畫竹

李良年墨竹冊記

曝書亭集

王

遂字子京蜀人筆意在子久仲圭間

讀畫錄

王國爰字子杓山陰人家貧畫人物工緻每語人曰

寧貧耳不欲以率筆敗我名

同上

王岱字山長一字九青石史號了菴湘潭人康熙

己卯舉孝廉官學博畫不一法山水奇變人物花

卉悉得前人意以氣節自命能詩文工書

圖繪寶

鑑續纂

王庭字邁人嘉興人順治己丑進士官布政使畫
蘭果非凡筆常自曰人皆稱我今古文及詩字不
知我於寫蘭彈琴獨得妙理也無聲詩史 畫識

王崇節字筠侶

圖繪寶鑑續纂作玉筠

崇簡弟舉武科為興州

衛千總久之不樂棄去復以畫名供奉

內廷山水樓觀人物草木蟲魚蕭遠間曠人爭貴之

圖繪寶鑑續纂

分甘餘話

百尺梧桐閣集

青箱堂集

王武字勤中自號忘菴吳人文恪公整六世孫以
諸生入太學善賞鑒花卉多逸筆神韻生動可比
叔平稱為妙品四方走書幣造請無虛日自少風
流倜儻不屑意舉子業讀書賦詩外若投壺蹴鞠
彈棋馬射技節之術與夫藝花種樹攀魚籠禽之
方無不通究之崇正壬申生康熙庚午卒年五十
有九 圖繪寶鑑續纂 畫徵錄 太原家譜 曝

書亭集

堯峯文鈔

王

撰字異公時敏子傳其大痴法亦古秀工詩著

三餘集

圖繪寶鑑續纂

畫徵錄

歸愚詩傳

王徐錫字孝伯思重孫落筆天趣益然

圖繪寶鑑續纂

纂

王子元字台字吳人善花卉

同上

王原祁字茂京號麓臺時敏孫康熙庚戌進士由知

縣擢給事中改翰林春坊供奉

內廷充書畫譜館總裁

萬壽盛典總裁晉戶部侍郎法六痴淺絳為獨絕時

虞山有翬以清麗傾中外原祁以高曠之品突過

之凡

內府收藏者俱得邀

睿鑒褒題工詩善文稱藝林三絕性廉潔不治生產

通籍後家居蕭然仍如寒素也崇正壬午生康熙

乙未卒年七十有四

熙朝名畫錄 江南通志 畫徵錄 居易錄 學
菴類稿

王 著字伏草樞兄山水得大痴筆意工花卉翎毛
工詩歌及書法 江寧府志 蠶尾集

王 臬檄昆季以畫擅名 江寧府志

王 翬字石谷號耕煙散人又號清暉主人山水宗
原祁師時敏得其親授自成一家時敏嘗謂此烟
客師也人稱爲畫聖云

詔繪南巡圖稱

旨

內府收藏甚多得邀

睿鑒褒題初暉格以山水自負見而度不能及乃改
寫生以避之云崇正壬申生康熙丁酉卒年八十
有六自刻所與名公卿投贈詩文十卷曰清暉贈
言又尺牘二卷

熙朝名畫續錄 江南通志 圖繪寶鑑續纂 畫

徵錄

讀畫錄

蠶尾續文

有懷堂集

按疑年錄云年八十九於崇正壬申生康熙庚子卒陳祖范撰墓表云年八十六不著卒年今從疑年錄吳注據沈德潛撰墓志云崇正壬申生康熙丁酉卒年八十六與墓表同

王 學字耕南號稼亭又號梅嶠吳人與翬同時倣其畫得貌似云 畫徵錄

王無忝字夙夜孟津人康熙庚戌進士仕至金華知

府善山水

圖繪寶鑑續纂

畫識

王 穉字東泉號與菴金陵人山水經營盡意 賴古堂集

王復禮字草堂仁和人新建伯守仁裔孫蘭竹得文與可法性孝友富著述康親王南征重其文行賜袍褒獎嘗遊雁蕩作江心疋集賦仙巖流觴詩人謂有蘭亭遺風 溫州府志

王 鼎字贊元順天人山水摹倣董巨精妙亂真圖

繪寶鑑續纂

王 磊字石丈善丹青 分甘餘話

王 略字禹功青浦人山水得董巨意 青浦縣志
今畫偶錄

王 銓字東發長洲人文恪公鑿五世孫康熙庚午
副車為禮科給事中善繪事精書法敦氣誼重然
諾 江南通志 太原家譜

王者佐字師尹吳歷弟子工山水 畫囊

王基永字濟美山陰人善山水兼工書 圖繪寶鑑續
纂

王 雲字漢藻號清痴斌子樓臺人物近似實父康
熙時馳名江淮寫意山水得石田遺意 高郵州志

王 石字曰堅斌孫傳其家法山水人物無不精妙
同上

王 琨石子善畫 同上

王 遐字公遠吳人流寓金陵畫學程邃 圖繪寶鑑

續纂 畫識

王世琛字寶傳號良甫銓子康熙壬辰

殿試第一人仕至少詹畫得父法工詩古文風度恬

雅 江南通志 太原家譜 讓溪題跋

王敬銘字丹思號味間嘉定人康熙癸巳

殿試第一人授修撰師原祁山水為舉子業時即供奉

丙廷邀

睿賞有硯癖畫不可以貨取投以片石無不立應 畫

徵錄原祁傳 百幅菴畫寄 學菴類稿

王 昱字日初自號東莊老人又號雲槎山人原祁

族弟畫出其門山水淡而不薄疎而有致筆意在

雲林方壺之間 畫徵錄原祁傳 今畫偶錄 書

畫紀畧 烟霞閣詩稿 在亭叢稿

王 雋字禮石略子山水宗子久有名 青浦縣志

東谷子題跋

王丕烈字述文號東麓華亭人雍正丁未進士入詞垣歷臺諫仕至河南按察使六法不由師授直逼古人烟雲活潑趣從天分中來工詩著春暉堂集墨林韻語 松江詩徵

王士字子毛柘城人寓居商邱花鳥竹石多墨筆不落時蹊 畫徵錄

王肅字茗源號及峯丕烈兄邑明經山水宗沈宗敬工詩著斫歌集 婁縣志 畫識 松江詩徵

王簡字惟文吳縣人康熙初供奉

內廷精吳道子寫生術 江南通志

王有年字視田金溪人以進士仕為司理山水饒有味致 圖繪寶鑑續纂 畫徵錄

王祺字祉叔畫追北苑一時稱絕 杭州府志

王樹穀字原豐號無我又號鹿公又自號文外布衣仁和人題其所居曰栗園人物筆法出陳洪綬而得其清穩其圖章有慈竹君策一笑先生 畫徵續

錄 百幅菴畫寄

王 尊字元端號瞻崖允溪人康熙中由太學生充纂修工山水松石筆力尤奇古美文辭博文強識至老不倦著揀字搜典三百餘卷 允溪縣志

王國材字崑山大興人曾寫

世祖御容善仙釋人物 圖繪寶鑑續纂

王 侃字聲偉秀水人年九十餘猶能畫龍水大幅山水有神 兩浙名畫記 畫徵續錄

王 樸字玉樵保定人以人物士女名於北 畫徵錄

王 邦采字貽六又字攜鹿無錫諸生精儒書興發為古文詩畫跌宕超逸皆到妙境 無錫縣志 大雅

堂集 畫識

王 基字太御號梅菴吳人畫馬及人物皆稱名手知音律能奕碁為人瀟灑出塵不趨榮利與人交極誠信年六十餘不娶無子論者惜之 顧氏筆記

王 鑑字魯公太康人聰慧多藝人物士女沉濃雅

集布置佳妙傅色本宋人 畫徵錄

王 巘字補雲吳江人山水全學董巨多畫一木一

石人咸珍之喪妻不再娶有餘貲輒以周貧乏者
盛湖志 畫徵錄

王譽昌字露潛號話山常熟諸生山水得宋人蹊徑

工詩刻骨煅煉著含星堂集 常熟縣志 海虞詩苑 柳南隨筆

王 瑾字亦懷其先自閩遷常熟畫筆直入古人之

室王翬極稱之兼篆刻有印譜 蘇州府志 汪應

綵撰印譜序

王廷魁字岡齡號盤溪吳明經詣門徵索者往往以

文畫目之又善帖括工韻語著小停雲館古柏重

青西塘倡和盤溪倡和諸詩詞集 歸愚文鈔 西

莊始存集 懷舊集

王 慄字存素號林屋太倉諸生時敏曾孫畫得家

法山水用乾筆皴擦不加渲染得元人簡淡法絳

筆竹石尤妙工詩詞與諸名士往來倡和每作畫必自題詩蕭疎淡遠不涉一點塵俗有林屋詩餘今畫偶錄 華海堂集 懷舊集

王德普字長民侃子邑庠生善指畫兼長墨竹 畫徵錄 畫識

王汶泰州人以寫真名藝 畫徵錄

王禧丹徒人以寫真名藝 同上

王斌字師周秀水人寫真筆意淡遠 畫徵續錄

王肇基字鏡香斌子工寫真寫意花卉禽鳥秀韻天成 同上

王琦字魏公杭州人人物花鳥草蟲悉取真者對臨無不酷肖 圖繪寶鑑續纂

王奐字伯倫山陰人仿宋人山水甚佳佛像人物亦精妙 同上

王達字景伯琦子工山水諸藝有父風 同上

王子寧河內人善山水 同上

王 質字文蘊海寧人花卉草蟲俱精 同上

王 嘉字逸上華亭人畫宗董文敏 同上

王 堅字又直李麟弟子善佛像 同上

王 嶠字山眉山陰諸生人物師陳洪綬 同上

按前有善竹者亦山陰人疑卽其人以所藝不同
姑兩存之當考

王 毓賢字星聚三韓人仕爲三楚廉訪公餘之暇正
耽圖畫落筆蒼雅不凡著繪事備考 同上

王 逸民杭人畫大判及野仙 同上

王 炳仿王蒙松溪仙巖曾邀

睿鑒褒題

熙朝名畫錄

王 宸字子凝號蓬心又號蓬樵老蓮柳東居士皆
別字也原祁曾孫乾隆庚辰孝廉仕至永州知府
山水稍變家法蒼古渾厚深得子久之學工詩卒
年七十外康熙庚子生 畫識 芝庭詩稿

王 蓼字飛卿號耻壘晉江人善書畫大字尤橫絕
家貧岸然自樹 泉州府志

王之敬字篤夫號竹冠道人太學生書畫入妙品詩
古文詞膾炙人口 福建續志

王 漢字文筠號萼洲常熟人康熙丙午孝廉為溧
陽教諭畫蘭如草書 常熟縣志 虞山畫志

王 灑字十洲常熟人寫香草尤妙能詩著娛暉草
晚飯空門 海虞詩苑

王 烈字揚武號以齋常熟人工人物 虞山畫志

王 疇字壽田號留耕翬子山水專師趙大年 同上

王恩浦字渭陽自號海濱逋客常熟人善畫竹工詩
善書篆刻尤蒼古 徐市小志

王 嶼號三谷又號西疇常熟人得邨園畫法工詩
尤善琴卒年八十有二 同上

王廷音字大成常熟諸生蘆雁入高品 常熟縣志

王大椿字八千翬曾孫善山水工詩惜早卒

國朝詩

王維寧字古臣號寒溪子常熟人善畫工詩好遊山水結西湖看花社年七十營生壙嘯歌其間有司空表聖風度

海虞詩苑

王竣字崇瞻號圃烟常熟人傳神無不酷肖人物鑿空用意不用稿本卒年四十有四

虞山畫志

王猷字雪洲吳人遷常熟寫生無俗韻工詩

同上

王復祥翬孫山水得熟後求生之法早卒

同上

王深字匪石號古香常熟人以國子生與修一統

志易江知縣遷知州寫梅蒼老博學能詩年八十

乞休著老樹堂詩

夔門集

王貽燕字翼安號揆齋又號香雪圖炳子精繪事寫

蘭竹極佳工詩能書至今猶寶其石刻有香雪山

房遺稿

墨香居畫識

松江詩徵

王岡字南石號旅雲山人南滙人黃本復弟子工

花卉人物并善寫真後出己意寫生入妙蟲魚尤

生動康熙丁巳生乾隆庚寅卒年七十有四 墨香
居畫識

王憲曾字世綸號定菴貽燕子乾隆己卯順天孝廉
善病寫墨梅工山水雜卉以吟詩作字寄其巧叔
之致 同上

王 繪字素如上海人精鑒古山水翛然不俗善鼓
琴 同上

王之瑜字逸史號石泉南淮人花鳥竹石流傳甚多

詩工近體書學聖教為人恬淡雅靜 同上

王 詰字摩也號心壺一號鷗白吳興布衣宸族昆
季工山水能書著有雪浪軒詩 同上

王 仲字仲愚河南武解元為隋州營都司蘭菊縱
橫自在真翰墨精猛之將 同上

王裕曾字芝泉仁和人乾隆丁丑進士為襄陽知縣
梅花極疎落蹇傲之致 同上

王鳴韶原名廷諤字夔律號鶴溪嘉定人光祿鳴盛

弟山水參王吳工詩著野逸堂集

同上

王 鏗原名鑑字幼瑩號鞠人上海諸生善蘭竹精

篆刻工詩

松江詩徵

王香谷松江人工寫生

墨香居畫識孫耀傳

王孫耀字鳳超號秦樵香谷子濡染家學早擅畫名

兼及山水人物博綜諸家臨摹文沈白陽幾欲亂

真墨香居畫識

王志熙字維清號修竹嘉善明經善山水詩文正潔

兼工行楷後右臂不仁難以舉筆人咸惜之

同上

王 宏字振遠順天人善人物寫照

圖繪寶鑑續纂

王之民字暉如屠章孫廩生山水法魏成蒼老爽健

自成一家

墨香居畫識

王錫疇字心耕松江人兼山水人物而指墨尤佳大

幅神像膽力雄壯有武洞清童仁益之風每逢朔

望繪大士寶相施送立願寫一藏乾隆丙午已一

千五百餘矣

同上

王三錫字邦懷號竹領昱從子山水耶壑位置不作尋常蹊徑運筆亦別具雅韻小冊清麗可愛顧畫家著色易流入匠氣三錫獨清澁出衆一日有人負錢數緡索畫却之曰古人諛墓得金書碑酬緡當必有交接之禮余豈買畫行同市獐耶人咸服其高致同上

按讀畫閒評謂石谷裔孫疑誤稱吳郡者或自婁遷吳者也

王顯金匱拔貢司鐸廬江畫竹雅秀得晉人神韻同上

王玖字次峯號二痴輩曾孫晚年移家吳門山水一變家學胸有耶壑饒有別趣同上

王寶序字璇初號秋農華亭人乾隆庚辰孝廉爲南靖知縣山水靈秀書亦有名同上

王亮字晚香吳人山水學倪迂同上

王廷勳字儼園河南睢州人爲杭州海防同知山水

脫略毫素深造古淡居官有惠政 同上

王興謨字淡宜號匏如華亭人湖北鄖陽知府工寫生尤善蔬果 同上

王嵩萬字翌堂號憶山丕烈孫太學生繪事落筆穎異工詩 同上

王順曾字青山宗伯崇簡曾孫考職得授州同弋志丹青負雋才讀等身書詩文倚馬立就又棲情篆刻 同上

王元勳號湘洲山陰人山水花卉各有神理禽蟲生動欲飛尤工人物寫照眉目井井神情畢肖佈景設色直追元人婦女於通省中增嫵媚江以南奉金帛求之者無虛日 墨香居畫識 讀畫閒評

王震旭字麗初號賓谷華亭相國鴻緒孫候補郎中工設色花卉尤長牡丹 墨香居畫識

王鳳崗號竹塘華亭人僑居邗上後入粵東指墨寫松極其蒼秀 同上

王 惠字芳谷金華人工山水花卉及寫照指墨爲
杜鰲高弟 同上

王振聲字星槎揚州人嘗遊江漢間花卉生動善鼓
琴 同上

王 源字雲谷溧陽人山水清疎冷雋有瀟湘洞庭
之景 同上

王述縉字公紳號石泉原祁孫工山水 同上

王 圻字西溪號郇雨新安籍寄居湖州工寫蘭竹

閉戶讀書不慕榮利晚更棲心於禪 同上

王 溶字潤蒼號鶴艇黟縣人山水蒼老罨澗性恬

淡屢空晏如 同上

王 壤字東臯鹽城人工蘭竹雜卉 同上

王廷周字愷如號鵝池玖次子山水得家傳尤饒秀

致 同上

王鳳儀字審淵乾隆丁卯孝廉原祁曾孫仕至觀察

山水得家法 同上

王昭被字見山自號鶴道人鎮洋諸生喜畫梅尤善
寫影縱筆所之無不如意 同上

王光昱號松崖皋蘭人善畫松曾館果親王邸 同上

王之佐字光照號謙齋南匯人山水花鳥動得神似
能書工漢隸尤妙音律 同上

王潤字裕庭號雨亭南匯人郡諸生山水花卉秀
筆天生書學香光 同上

王蘭字芳谷錢塘人山水奇偉奪目 同上

王仲純字思專號亦亭吳人文恪公鑿齋山水得婁

東正派花卉有武之遺意 同上

王步蟾字寒香杭人爲華亭諸生山水得家法 同上

王岷字綺園號雲亭常熟人墨梅秀潤磊石點苔
蒼古 耕硯田齋筆記

王鼎字大章長洲人墨蘭工致 同上

王廷元字贊明翬後人山水稍變祖法然亦清雅可
觀 同上

王齡字映河寫意人物花果疎快舒展得陳洪綬遺意同上

王岱字次岳號雲上常熟明經善寫梅詩詞超脫性兀傲人以爲怪移家南湖不返有情田詞草柳南隨筆

王敦仁字性中號素嵐常熟人山水文秀虞山畫志

王林字松溪世貞後焦墨山水頗有徐幼文之風韻耕硯田齋筆記

王睿章字曾麓南匯人工花鳥及蟲魚寫生能入妙品同上

王鼎字芝房太倉人善畫墨蘭如得趙吳興之真傳同上

王綸字子音寶山人山水人物工細稱絕深得古意同上

王國輔黃山人善畫猫鹿具數種恣態能奪化工之筆同上

王立德字晉業號繡竹山水氣韻疎落入古 墨香居畫識

王諤字一士號菊莊青浦諸生工墨竹喜考訂繪事著今畫偶錄 同上

王光祖字雲湄吳人奎文閣典籍山水清腴可愛兼長點染性靈暢達間作篆書鐫刻玉印精琴理通音律明數術醫復有名嘉慶年卒 耕硯田齋山記

王學浩字孟養號椒畦崑山人乾隆丙午孝廉山水

結體精微有大痴氣筆力蒼古近今吳松當為第一

詩與書法俱善 墨香居畫識 耕硯田齋筆記

王應麟字松亭太倉人山水力摹前代名家人物花

鳥有宋元筆意 耕硯田齋筆記

王世爵字尊一仁和人花卉學甌香 全上

王恒字子占紹興人山水罨布濃淡意象微遠尤好為枯木竹石寓虎邱方丈十年不入城市不交

人事窮餓死 吳門補剩

王之孚字心莊號誠菴震澤人爲上舍生寫生兼學
惲王筆情超逸山水秀韻有致工詩性通達好交
游不吝於財遇佳山水流連不忍去見景必自繪
圖妻吳婉桃亦能詩每一圖成伉儷必相酬倡又
學琴以抒寫懷抱乾隆甲寅生嘉慶壬申卒年二
十有七與婉桃有金海樓合稿 墨林今話 周夢
台撰傳

王宜太倉人善圖繪 耕硯田齋筆記

王巖字星瀾吳人繆椿高弟鈞染花卉工致 同上

王恭仲字禮和善傳神 同上

王子香字蘭舫福建汀州人山水專學虞山筆亦秀

潤工詩 同上

王承寵字小寅號錫三元和人工寫真乾隆戊寅生
道光癸未卒年六十有六 同上

王瑞芝字梅山承寵子習父藝花卉寫意亦可觀乾
隆庚戌生道光乙酉卒年三十有六 同上

王玉芝字鳳臺承寵子昆弟並傳其家學青出於藍
他年定可卜也同上

王霖字春波江寧人國學生善山水人物花卉莫愁湖志

王如南字希山光祖子畫宗家學耕硯田齋筆記

王桂山字湘雲沔陽人從余太史集學畫蘭未數月
輒有法度布拳石亦清正不俗墨香居畫識余集傳

王晨字農祥崑山諸生勝國巡撫永祚子善丹青

少孤文譽籍甚以賦策掛誤不慕榮利隱居西郊
亭館參差竹木掩映臨池染翰吟嘯其間留意民
生時遇歲飢致書虞山翁尙書叔元請於當事賑
濟之崑新合志

王晉崑山人爲薛雪繪煉丹圖筆致清正頗得六
如真趣耕硯田齋筆記

王會字鼎中武之兄山水法董米花卉可稱競賞

同上

王時翼字又溟吳郡人與時敏同時人物類宋石門

山水法李唐蒼古雄渾

同上

王克選靜寧州諸生工山水修州志延之繪圖

臨潼

縣志

王野字草臣善水墨松梅於翎毛雞鷹尤擅名

贛

縣志

王赤霞丹青為蕭文榮師

墨香居畫識

王詩字志庭以繪事名家尤善蘭竹水仙

婺源縣

志

王嘉達字伯詩從子繪事得其精妙墨氣淋漓蒼

古善篆隸書法吟咏不少輒慷慨好義揮散至家

徒壁立浹旬不舉火不屑受無名一文錢其狷介

足稱道

同上

王兩峰未詳名以丹青著

同上

王荆山兩峰子善畫

同上

王起龍字德元兩峰孫九長花卉人物寫真得神
同上

王自吉起龍子以畫名家
同上

王士譽字令子號筆山屏居東南鐵山下更號鐵巖
樵人順治辛卯舉鄉薦興至潑墨不名一家有倪
黃遺意間作花鳥肆力於詩古文胸懷磊落毫邁
自喜與田父野老流連泉石賦詩飲酒以爲樂萬
曆癸丑生康熙乙卯卒年六十有三著有筆山菴

楚霖揭采籬諸集

新城縣志

王奕清字西園善花卉

明視田齋筆記

王 咸字與谷號拙菴山嵐古峭林木蒼勁得石田

遺意年八十有四猶能作畫
同上

王宗烈字竹埜高要明經山水渾厚耆年篤學著書
等身
廣東通志 劍光樓筆記

王利亨字竹航嘉應州人

庶吉士官知州

山水蒼勁墨竹尤佳

劍光樓筆記

王 湘字秋帆秀水布衣山水宗大癡 嶼隱園書畫
雜綴

王文誥字見大仁和人工山水能詩客粵三十年注
蘇文忠公集阮宮保元贈句云南海清游會佳事
東坡知己得斯人蓋紀其實也著韻山樓集 同上

王 基字濟美山陰人善山水兼工書 兩浙名畫記

王 鵬字龍友金華人康熙癸未武進士官廣東守
備畫有前人筆意工書 同上

王 幾字郇兩號西溪烏程人善繪事墨竹尤勝 同上

王 萼字山眉山陰人善畫工書 同上

王 翰字霖臣號五峰山陰人潑墨山水法梅道人
詩文卓絕 同上

王宗桓字思正號澹菴嘉興諸生工書畫精岐黃堪
興其歿也嘉定錢宮詹大所誌其墓 同上

王 濤字素行江南人移家揚州著色花卉翎毛有

元人風 揚州畫舫錄

王璽字鶴里揚州人工山水蘭石 同上

王鏡香工畫 同上

王暹字芥舟常州人官盧白知縣山水得力董巨
用筆簡老設色濃湛 劍光樓筆記

王元華號樾雲江寧人善蘭竹精鑒別富收藏 莫愁湖志

王改 住縣人善畫蘭 寧國府志

王澤字子卿蕪湖人嘉慶進士入詞垣為贛

州知府善畫工詩文 畊硯田齋筆記

王應綬字子若麓臺孫山水守家法善隸書能摹
縮木漢碑於硯背 全上

王曇改名良士字仲瞿秀水人乾隆壬子孝廉善
畫工詩精雜技有奇才 全上

王守畊字深谿 山水法盛子昭好寫懸崖觀
瀑 全上

王 蓀

畫法婁東 全上

王 徽字我調

善山水 全上

王 暉

鳳陽諸生善山水 鳳陽縣志

王 罔字仲山宣城人能以淡墨寫花鳥草蟲嫣然

有致順治間太平郡守擬以丹陽古郡四大字刻

石惟罔書稱當意云 寧國府志

王 緒字雪舟無為州人山水人物冠一時 無為州志

王 紳

紳之弟亦以畫名兄弟年皆踰八十

全上

王 謹培字守根號仲益太倉人國子生書畫詩詞天

然佳妙駒齒未落龍文早成人目為後來王粲惜

早卒有刺紅花館詩草 婁水琴人集

王 國光字用賓號松崖太倉人國子生善撫宋元山

水工漢隸卒年八十有四與支雪樵顧心白玉竹

娛輩結詩社有經西草堂詩草 全上

王元淑字均一號雲漢又號飲香太倉人工蘭竹詩亦清正 全上

王高詞字杼藻號西岩太倉人善畫工詩有環翠山房詩集 全上

王之洪字昭候太倉人善畫工書能詩文 全上

王之楫字孚舟號坦莊太倉諸生善書畫有汨存小草 全上

王旭字赤城錢塘人霽蟬烟柳得曉風殘月之致

書法董香光鐫印宗文三橋 畫林新詠

王源字春槎鎮江人漢軍籍仁和陳氏僕也寫生得古法 全上

王彰字嘉言號蘭臯吳江純陽院道士畫得虞山筆意不苟言笑善詩工書著蘭臯詩草 松陵詩徵傳

王恒字健行婁縣嶽廟西房道士善山水工寫真能鼓琴 墨香居畫識

王舒字錦雲金山縣道士為于山陳會雲徒善畫
同上

王至淳字璞山上元隱仙菴道士善寫梅能書工詩
詞莫愁湖志

歷代畫史彙傳卷三十目錄

陽韻

章繼伯南齊友直宋

程橫塘明

葆公瑾詔本朝

諫

谷采聲法

時顯戡功紳逸

瑞榕于

唐湊唐彥謙希雅南唐垓五代附錄

書史彙傳

宿宋 忠祚 子良 棣元

肅明 宗祚 寅 竹窗

恩 日昌 士良 志契

志尹 疇 芸 獻可

子華 愈 可 道時

袞本朝 俊 城 伸

恂 黻 和春 英

辰 景 芬 耀卿

棣 璉 灼 廷豐

雪江 庭楷 稼 岱

子晉 培 受鶴 正

淳 道隱前蜀 清叟元 立綱明

姜皎唐 道隱前蜀 清叟元 立綱明

濟 隱 思周本朝 紹書

彥初 實節 廷幹 法

兆熊 漁 恭壽 文載

書史彙傳卷三十目錄 二

鹿壽

翊

葆元

岱

漁

勳

宸英

彭

燮鼎

房茂長唐

從真前蜀

歛宋

大年元

雍熙本朝

梁寬唐

合瓚

廣

洽

司馬

忠信宋

師閔

松

階

揆

叔剛明

孜

夢陽

文賓

鉉本朝

崇忠

學

亨

鎔

師武

樞

元翀

應逢

璠

章友直字伯益浦城人臨川集作建安人善畫龜蛇以篆筆

作畫亦有意又能以篆筆畫棋盤筆筆相似自放

不羈不求選舉皇祐中近臣言友直善篆與李斯

陽冰相上下召友直往試除將作監主簿不就工

玉箸書通相術知音律善奕棋福建通志 宣和

畫譜 畫史 圖繪寶鑑 書史會要 臨川集

平園集

章 程畫人物山水 圖繪寶鑑

明

章橫塘號丹霞仙客洪武初召拜知府弗就善畫蘭

家貧鬻蘭為食不苟取與有稽古之學湖州府志

章 葆字德玉金華人嘗仕秘府年八十餘流落梁

宋間翎毛花果生意入神吳隱集

章公瑾華亭人能畫馬元之遺民永樂時猶存松江

府志 水東日記 無聲詩史

按松江志載章瑾寫寒山拾得春江送別圖無聲

詩史有華亭章公瑾能畫馬另有龍江莊瑾號采
芝生畫法馬夏能詩固是兩人兩傳圖繪寶鑑續
纂載莊瑾亦同其說不載章公瑾似章公瑾莊瑾
當非一人也惟水東日記所載章瑾字公瑾號采
芝生華亭人為宋莊敏公之後善草書畫法馬夏
全以兩傳合一傳立言似實有所據今考府志據
補乘載莊公瑾松江龍江鎮人永樂間寓吳葑門
則又姓莊不姓章但諸書作章作莊或一或二說

者不同姑從無聲詩史兩傳錄之備考

國朝

章 詔字廷綸晚稱遜園居士丹徒人為洪承疇幕

中土工墨竹長於大幅 丹徒縣志 畫徵錄

章 諫字廷直詔弟善畫 丹徒縣志

章 谷字言在號古愚仁和人善山水寫真幼時塾
師有友訪之不值谷以筆畫顴額髮眉翹翹然也
塾師曰得非某乎叩之果然尤工烘染能作八分

篆體 杭州府志 圖繪寶鑑續纂 今世說 讀
畫錄

章 采字子真谷長子雖紹父藝弱具體段 圖繪寶
鑑續纂 讀畫錄 畫識

章 聲字子鶴谷次子花卉鈎勒得法山水紹父藝
杭州府志 圖繪寶鑑續纂 讀畫錄 畫識

章 法字石渠號瓶圃崑山人善畫牛畫菜天趣橫
發却無塵氛嘗作蘇州竹枝詞九十六首稱於時

崑新合志 畫陽秋

章時顯字子揚會稽人善人物花卉 圖繪寶鑑續纂
章 戡功字服伯錢塘人畫筆師董巨 錢塘縣志

章 紳字佩玖新陽人寓浙中幼年隨侍惓格得其
法花草翎毛不媿嫡派 墨香居畫識

章 逸字是仙無錫人畫筆蒼秀近古質邨禮遇甚
優人亦直諒多聞卒年五十餘 同上

章 瑞字渠賓杭州人寓金陵善畫蟹 莫愁湖志

章 榕字幻廬吳人工士女鈎勒花卉傳色妍雅工

書精醫審音律 耕硯田六大記

章 于無錫人以善畫猿猴著名 同上

去其草於手不致亂

早 滕字鳳庭齊州人寓海州心平朗治郡林其

章 趙也字鳳於齊州人畫筆兩道曰

章 郭陽字子財會稽人善人必不

真 蘇合志 畫 畫

唐

唐

唐 湊善釋氏畫 歷代名畫記

唐 彥謙字茂業號鹿門先生并州晉陽人中和中歷

晉絳二州刺史畫出流輩才高負氣無所屈降博

學多藝文詞雄麗尤工詩文善書亦善音律博飲

之技 舊唐書本傳 宰相世系表

南唐

唐希雅嘉興人初學後主金錯刀書法雖若甚瘦而風神有餘晚年變而為畫書法猶存善寫竹樹其為荆檟柘棘翎毛草蟲之類多得郊野真趣氣韻蕭疎非畫家繩墨所拘與徐熙同稱江南絕筆宋朝名畫評 宣和畫譜 畫史 圖繪寶鑑

五代附錄

唐 垓野禽水族生菜鳥蟲草木咸稱精妙圖畫見聞志 宣和畫譜 圖繪寶鑑

宋

唐 宿希雅孫得世傳之妙善翎毛花竹宋朝名畫評 圖繪寶鑑

唐忠祚宿從弟藝與兄同不特寫其形而曲盡物性花美而艷竹野而閒禽鳥羽毛精迅超逸殆亦技精於妙者宋朝名畫評 宣和畫譜 圖繪寶鑑

唐子良善寫照謝暉髮集

唐

棣字子華吳興人由茂才為吳江縣

圖繪寶鑑作休寧縣

尹山水學郭熙亦學趙孟頫得華潤森鬱之趣

山草堂集

佩玉齋類稿

六研齋筆記

圖繪

寶鑑

明

唐

肅字處敬山陰人九歲入郡庠元至正己亥

史作

王舉鄉薦

史作仕張士誠

為嘉興儒學正洪武時召修禮

樂書擢應奉翰林文字承事郎同知制誥兼國史

院編修官嘗自作梅石圖賦詩題之為文簡潔正

與詩步驟盛唐書工篆籀張士誠據吳名士嚮集

肅與高啟等號十才子元致和戊辰生洪武庚戌

史作洪武六年為癸丑也免官歸辛亥卒年四十有四著有專

集丹崖集畫譜等書

明史藝文志

明書畫史

明史高啟傳

唐宗祚景泰時海鹽人善傳神

嘉興府志

海鹽圖

經

唐 賈字子畏一字伯虎號六如吳人宏治戊午舉
應天解元畫師周臣而青出於藍凡山水人物花
草無一不能評者謂其遠攻李唐足任偏師近交
沈周可當半席工古文詞詩歌效白居易體其合
者尤令人解頤書得吳興法而妍正賦性疎朗任
逸不羈與同里狂生張靈縱酒不事諸生業祝允
明規之乃修舉業會試有富子載與俱北既入試
有友人都穆仇富子抨於朝言與主司有私陷寅

斥椽於浙藩嘗自署其章曰江南第一風流才子
寧藩宸濠厚幣聘之察其有異志佯瘋放還晚好
佛氏治圃舍北桃花塢日飲其中成化庚寅生嘉
靖癸未卒年五十四著畫譜並集傳世 明史本傳

明史藝文志 祝允明唐子畏墓誌 圖繪寶

鑑續纂 丹青志 藝苑卮言 言提錄 無聲

詩史

唐竹窗武進人善畫尤以草蟲名 唐荆川集

唐 恩號南埜萬厓中人能貌海中神仙蓬水禽魚
卉木罔不探討意象游情物表名重當時海寧縣志

唐日昌字爾熾以畫稱畫史會要

唐士良隆萬間人工人物花卉珊瑚網

唐志契字元生又字敷五海陵諸生無聲詩史作廣陵人耽繪

事得六法深趣著繪事微言畫史會要無聲詩

史圖繪寶鑑續纂

唐志尹字聘三志契弟花鳥得王偕呂紀之傳時稱

一二唐同上

唐 疇字非工南滙諸生工花鳥水墨牡丹尤重以

名節自礪居玉笙樓屏跡不下者二十年南滙縣

志金山縣志

唐 芸疇子工畫同上

唐獻可字君俞常州人順之四世孫畫有宋元餘韻

書宗米體無聲詩史

唐子華丹青擅其妙 休寧縣志

唐愈字子俞號丹泉海鹽人畫宗郭熙皴法麻皮

蟹爪可雜宋元 畫髓元詮

唐可萬厯時人山水類蔣嵩 畊硯田齋筆記

唐道時字子貞冶城道士學畫於胡宗仁 金陵瑣事

國朝

唐袞字山補號萍鄉常熟人工山水善蘭竹尤妙

於詩 虞山畫志

唐俊字石耕衮子始師蔡遠山水花竹以清妍見

稱 蘇州府志 常熟縣志 柳南隨筆 獅山草

畫識

唐城字建封山水酷似其舅王原祁 百幅菴畫寄

唐伸字夙逸號愛廬邑諸生衮子善書畫工寫蘭

縱中別具真趣能詩 虞山畫志

唐恂字慤如號松門常熟人花卉得纖悉之態 同

上

唐 敞字廷章號入繡常熟明經專寫梅蘭工吟咏
善琴 同上

唐和春字逸夫號香樵崑山人花鳥酷似惲格善畫
蓮有唐荷花之名 耕硯田齋筆記

唐 英字俊公一字叔子號蝸寄老人漢軍人粵海
關監督工宋人山水人物能書詩有清思權兩淮
九江珠山昌水見之筆墨者為多曾主官窰事製
器甚精今稱唐窰嘗親製書畫詩付窰陶成屏對

九為奇絕著陶人心語

熙朝雅頌集 耕硯田齋筆記

唐 辰字蘊奇號際飛南滙人初學嚴戴山水後極
力脫化其習卒年八十外 墨香居畫識

唐 景字靜安號苻溪一號匏叟奉賢籍居松江乾
隆庚午孝廉四川知縣補資州通判山水法董華
亭後以病歸兩袖清風依然貧諸生也年七十餘
同上

唐 芬字馴叔號然澤又號竹心南匯人乾隆丙子

孝廉以疾未仕畫不多作髣髴具黃鶴山樵筆意

詩宗盛唐 墨香居畫識 松江詩徵

唐耀卿丹徒人善寫生與潘恭壽相善故筆似之兩

人清齋奉佛俱有翛然出塵之思其畫格清遠得

力於禪悅居多 墨香居畫識

唐 棣字萼輝吳江人工寫真尤善界畫山水邑乘

為所圖繪 同上

唐 璉字汝器臯蘭人點染雲山蒼茫古秀陝人目

之為小子畏工小楷精斯篆 同上

唐 灼巢縣諸生山水蒼秀並工花草 同上

唐廷豐善畫 同上

唐雪江巢縣人寓金陵善山水人物翎毛 莫秋湖志

唐庭楷善製琴因自號琴巖居士山陰人學畫於錢

塘孫志皋有出藍之譽畫取荷蘆雁尤工昔邊壽

民以雁名墨中滲膠黠淡少致庭楷墨光秀潤生

趣勃然一時文人手持素箋多出其筆工韻語喜
飲每舉杯長吟詩成輒醉家故豐日坐小樓圍以
花竹琴書作畫吟詩清幽高雅備於一身惜妻悍
詬諍交謫不絕於耳因遊齊魯燕趙越數年返已
爲妻子蕩盡無遺昔日琴尊花竹亦化爲烏有憤
鬱而卒

讀畫閒評

唐 稼字墨農錢塘人荷花有暉格遺韻亦善水墨
山水

耕硯田齋筆記

唐 岱字毓東號靜巖滿洲人官內務府總管以畫
祇候

內廷王原祁弟子山水沉厚深穩得力於宋人居多

會邀

高宗睿題

熙朝名畫錄 畫徵續錄

唐子晉字子光善荷花

退齋心賞錄

唐 培字彭厚號芸田畫宗徐崇嗣意

耕硯田齋筆

姜無名相國曰既無名何不以道隱名之漢州綿

竹人嘗於靜衆寺畫山水松石趙庭隱贈以十緜

拂衣而去 益州名畫錄 圖繪寶鑑

元

姜清嬰程文憲嘗作畫格贈之 書畫史

明

姜立綱字廷憲號東溪永嘉人天順中授中書舍人
仕至太常寺卿畫得子久法七歲能書命爲翰林

秀才故楷法清勁方正中書科制誥悉宗之日本

國門高十三丈遣使求扁立綱書之其國人曰此

中國惠我至寶也嘗臨湖舍作皆春二字適有操

舟過其前衝濤駭浪遂成風波行舟之勢法書行

天下稱姜字 畫史會要 書史會要 圖繪寶鑑

續纂 無聲詩史 李君寶筆談 六研齋筆記

姜 濟浮梁人寓蜀山水無墨痕有煙雲出沒之奇

圖繪寶鑑續纂 無聲詩史

姜 隱字周佐山東黃縣人善人物士女花果細潤
得古法構景蕭疎奇情凝遠時稱能品 同上

國朝

姜思周字周臣自號花酒頭陀錢塘人後以子真源
貴封御史初遊京師師事關思筆山水得沈周遺
意花卉奇致勒鈎設色俱佳寫獨樹高杪不用竹
石映帶梧桐得秋風晨露之致 杭州府志

縣志

圖繪寶鑑續纂

讀書錄

姜紹書字二酉號晏如居士善畫著色著無聲詩史
無聲詩史序

姜彥初紹書子三歲時授以唐詩卽能成誦數十首
年十七補博士弟子員泚筆寫山水小景頗具倪

黃邨壑

無聲詩史

姜實節字學在號鶴澗萊陽籍父塚以建言謫戍宣
州實節守祠居吳中山水撫法雲林涉筆超雋又
曾繪矮幅松工詩善書晚年建其先人二姜先生

祠又築諫草樓於虎邱以父母未得合葬不敢以
妻耐寓節字爲名年十二侍父疾卽斷酒肉居喪
哀瘠逾成人繼母病偕妻割臂肉以進生平篤師
友之誼好古畏榮不入城市布衣終老人稱鶴澗
先生卒之日吳人諡之曰孝正 蘇州府志 畫徵
續錄 樸菴文集 樊榭山房集 別裁詩傳

姜廷翰字綺季山陰人 圖繪寶鑑續
纂作餘姚人 王武弟子山水
之外尤精寫生更善花鳥詩與文章無不登峯造

極 圖繪寶鑑續纂 畫徵錄王武傳 讀畫錄

施愚山集

姜 滋字在湄杭州人花卉靈異出諸天生 圖繪寶
鑑續纂

姜兆熊字起渭武林人善花鳥 同上

姜 漁字松山常熟人山水得元人意小幅更疎秀
可喜 畫徵續錄

姜恭壽字靜宰號香巖又號東陽外史如皋人乾隆

辛酉孝廉官教諭花草竹木縱逸瀟灑脫去時習
如臯縣志 畫徵續錄 畫識

按辛酉畫徵錄作丁卯誤今據題名錄考正

姜文載字命車恭壽胞弟工山水 如臯縣志 書畫
紀略

姜鹿壽字西原常熟人工山水 虞山畫志

姜翔字少白漁子工山水年八十餘 同上

姜葆元字石夫號蓬萊山人登州人工水墨花卉禽

蟲生平推重張啟筆頗似之 墨香居畫識

姜岱字仰山金華拔貢司鐸臨海指墨為杜鰲高

弟工書能詩 同上

姜漁字笠人安徽人僑居吳中士女正逸點綴花

卉秀韻有致 耕硯田齋筆記

姜勳字曉泉松江人善傳神傅粉施色精妙士女

肌膚細膩花草情致正艷 同上

姜宸英字西溟號湛園慈溪人康熙丁丑進士授編

修精繪事楷法虞褚歐陽賞鑒名重一時家藏蘭亭石刻至今搨本稱姜氏蘭亭工詩著有西溟全集崇正戊辰生康熙己卯卒年七十有二
畊硯田齋筆記

姜彭字又錢揚州人畫翎毛第一手山水法子畏

花卉宗元人老而益精
揚州畫舫錄

姜燮鼎字理夫遂安人工畫善書尤精篆刻年八十無疾終著有高山集
兩浙名畫記

房

唐

房茂長清河人曾繪商山四皓
唐文粹

前蜀

房從真成都人爲翰林待詔甲馬人物神鬼冠絕當

時
益州名畫錄 圖畫見聞志 宣和畫譜 圖

繪寶鑑

宋

房

歛工花竹

圖繪寶鑑

畫史會要

元

房大年文宗時人圖繪京都萬壽山格法適整雖積學專工所莫能及

輟耕錄

國朝

房雍熙字皞民江寧人居松江濡染外舅曹夔音法工山水筆甚韶秀精醫

墨香居畫識

梁

唐

梁 寬為吳智敏師神襟俊逸

歷代名畫記

圖繪

寶鑑

梁令瓚蜀人開元時率府兵曹參軍人物似吳道元

精天文數術能篆書

唐書天文志

南陽名書表

圖繪寶鑑補遺

梁 廣以花鳥松石寫真為能善賦彩鄭谷以詩名

家不妄許可有梁廣丹青點筆遲之譽歷代名畫記
唐朝名畫錄宣和畫譜 圖繪寶鑑 雲
臺編 逋翁集

梁 洽憲宗時人山水美秀以松石花鳥寫真為能
歷代名畫記 唐朝名畫錄 京洛寺塔記 圖
繪寶鑑

梁司馬工畫馬 圖繪寶鑑補遺 顧逋翁集

宋

梁忠信開封人仁宗時畫院祇候山水體近高克明
圖畫見聞志 圖繪寶鑑

梁師閔一作士閔字循德京師人以資蔭補綴右曹後任

左武大夫忠州刺史提點西京崇福宮長於花竹
翎毛取法江南人多就規矩繩墨亦工詩書宣和
畫譜 圖繪寶鑑

梁 松隸畫院師賈師古描寫飄逸青過於藍圖繪
寶鑑 畫史會要

梁楷字白梁風子東平相義之後嘉泰間畫院待
詔賜金帶善人物山水道釋鬼神師賈師古青過
於藍但傳世者皆草草謂之減筆 圖繪寶鑑

梁揆字仲敘開封人宋內臣以蔭補官任左武大
夫達州防禦使直睿思殿花竹人物山水凡可賦
象者一一能之似其宿習蓋自髫齡時便喜雕刻
繪事云 宣和畫譜 圖繪寶鑑

明

梁叔剛工小景山水 畫史會要

梁孜字思伯別號羅浮山人人稱之曰浮山官禮
曹畫出北苑仲圭雜得文氏三之一能詩善書楷
得文法 廣東通志 弇州續稿

梁夢陽順德諸生工詩畫篆法不求仕進 羅浮山志
羅浮書

梁文賓寫畫吟詩超然塵外見者知為清修士也制
行狷介篤志刻礪與二三知己結社黃旗嶺青紫

書院互相規勸友道惇惇如也 東莞縣志

國朝

梁 鏞字子遠三原人順治乙未進士入詞垣以戶部右侍郎總督倉場致仕山水蒼古思致清妙列臺諫奏舉賢務實錢弊在官禁吏胥之作奸議賑濟之無羈悉能條理詳明俱下所司議行康熙乙未卒 圖繪寶鑑續纂 畫徵錄

梁崇忠字衡在號西野山陰人善山水工詩 墨香居

畫識

梁 學仁和人工墨梅 同上

梁 亨字迪叔工山水人物 閩中書畫姓氏錄

梁 鎔號仙源道人吳之輔青衣頗善寫生 墨香居

畫識

梁師武與丁以誠交善花卉翎毛尤工寫生 揚州畫

舫錄

梁 樞字不癡順德人畫學大小米蘭竹亦佳 劍光

樓筆記

梁元翀順德諸生山水用筆蒼堅殊有古趣 同上

梁應逢 池州建德人工鐵花凡畫工不能傳

者能之技在湯天池先名未得傳人甚惜之 建德

縣志

梁璠字昆璧蕪湖人花鳥草蟲得徐黃遺意 蕪湖

縣志

歷代畫史彙傳卷三十一目錄

陽韻

黃諤 唐 筌 後蜀 居寶 居實

延浩 吳越 居采 宋 惟亮 懷玉

斌老 彝 與迪 齊

伯思 宗道 某 益

庚 廣 承務 謁 金

公望 元 周 蒙 明 壺石

希穀

暹

諫

璨

諤

珍

子錫

克晦

尙質

昌言

渾

久菴

用中

之璧

希憲

道周

彪

景星

鵠

石符

擔

祥

守中

應僖

金聲

彝

章

起雒

卷

宸

翊

淳

與堅

本朝

閣

傑

宗炎

向堅

甲雲

谷

士

璣

彥標

運開

應謚

鑰

衍相

經

玠

中理

曉

河

泰來

堅

鼎

彭

松

日起

本復

石

學榮

慎

璧

楷

璧

簡 燧 琮 綱

鐘 舟 逵 逸

宏業 知彰 端 繼祖

照 圻 呂 掌綸

瑱 增 震 燦

樹穀 易 德源 鶴

純嘏 鉞 恩長 峴

道珪 晟 毓麟 叔元

大楚 駢 丹書 玉衡

沃棠 培芳 元章 大笙

溱 珍 基善 謨

時敏 錫敷 樂之 庚

其勤 鑰 南村 士爽

一峰 太松 裔 綬

均 明薰

歷代畫史彙傳卷三十一

長洲彭蘊璨朗峰編

黃

唐

黃

諤畫馬獨善於時

唐朝名畫錄

圖繪寶鑑

後蜀

黃

筌字要叔成都人少開悟不肯與羣兒語年十

七事王衍為待詔至孟昶加檢校少府監累遷加

京副使年十三事郡人刁光胤學丹青工禽鳥山水松石數李昇花竹師滕昌祐鶴師薛稷人物龍水師孫位資諸家之善無不臻妙嘗詔畫鍾馗吳道元鍾馗以右手第二指抉鬼之目不若以大拇指為有力也令筌改圖進之後主怪不如旨筌曰道元眼色意思俱在第二指今臣畫俱在拇指後王悟乃喜筌不妄下筆時有五方使呈鷹於殿陛之下誤認筌繪雉為生掣臂者數四蜀主孟昶嗟

異之乾德辛巳年平

益州名畫錄

宋朝名畫評

宣和畫譜

畫史

圖繪寶鑑

黃居寶字辭玉筌次子事蜀為待詔累遷為水部員

外郎畫得傳家之妙更善於石兼善作字時以八

分書知名早卒

宋朝名畫評

圖畫見聞志

益

州名畫錄

宣和畫譜

畫史

圖繪寶鑑

書

史會要

黃居寶筌子紹興秘閣中有會禽圖

圖繪寶鑑

吳越

黃延浩工人物故實

圖畫見聞志

圖繪寶鑑

宋

黃居寀字伯鸞荃季子仕蜀為翰林待詔後隨歸宋

授光祿丞能世家學作花竹翎毛默契天真冥周

物理寫怪石山景往往過父會委之搜訪名畫銓

定品目時輩莫不斂衽當時較藝者視黃氏為優

劣

圖畫見聞志

宋朝名畫評

益州名畫錄

宣和畫譜

畫史

圖繪寶鑑

黃惟亮筌弟隸翰林圖畫院擅名一時

圖繪寶鑑補

遺

夢溪筆談

黃懷玉華原人學范寬山水頗得其格

宋朝名畫評

圖繪寶鑑

黃斌老潼川府安泰人父同妻姪登科任戎倅竹亦

學之

畫繼

圖繪寶鑑

黃彝字子舟以字行斌老弟終朝郎郡倅畫竹文

同每言不及其名字初非彝與子舟也黃忠節公
庭堅以其尚氣故取二器以規之自後折節遂為
粹君子舉八行同上

黃與迪善墨竹同上

黃齊字思賢建陽人擢進士第調官都下後仕朝
散大夫為兵部侍郎致仕繪風煙欲雨圖非陰非
霽如梅天霧曉霏微晦靄之狀殊有深思似與詩
人騷客命意相表裏者宣和畫譜 圖繪寶鑑

黃伯思字長睿別字霄賓自號雲林子邵武人元符
己卯進士河南府戶曹參軍嘗模顧闳之筆風韻
灑落飄飄有凌雲意自幼警敏不好弄日誦書千
餘言為秘書郎時縱觀冊府藏書至忘寢食經史
百家天文地理數學之說無不精詣好古文奇字
鼎彝款識研究字體悉能辨正是非道其本末遂
以古文名家淳化中博求古法書命待詔王著續
正法帖伯思病其乖譌龐雜作刊誤篆隸正行章

草飛白皆至妙絕學問慕揚雄詩慕李白文慕柳

宗元有文集翌騷元豐己未生致和戊戌載嘗夢

人告以上帝有命司文翰不踰月卒年四十子詔

訪哀其平日議論題跋為東觀餘論 宋史本傳

福建通志 圖繪寶鑑補遺

黃宗道京師人宣和畫院待詔工蕃馬人物東丹王

畫馬得骨胡瓌得肉宗道二法俱備 圖繪寶鑑

黃某建陽人考究車服制度想像人物風采觀者

皆歎其工 閩畫記

黃益山水學夏珪 圖繪寶鑑

黃庚太學生工丹青能文章宋亡不仕有樵吟集

行世 上海志

黃廣字彥暉靖州人善竹 圖繪寶鑑 畫史會要

畫名家錄

黃承務工道釋人物兼寫照 同上

金

黃

謁精蕃騎

圖繪寶鑑

畫史會要

元

黃公望亦名堅本姓陸繼永嘉黃氏字子久號一峰

又號大癡道人常熟人

無聲詩史杭州府志作富陽人圖繪寶鑑作衢州人

居富春山山水師董巨晚年自成一家其格有二

一作淺絳色者山頭多礬石筆勢雄偉一作水墨

皴紋極少筆意尤為簡遠畫入逸品冠元四大家

自幼有神童之稱應童子科經史九流無不通曉

工詩交通音律開三教堂於吳中聞德橋年八十

有六不知所終時至元甲子當生在咸淳己巳也

著山水訣大癡山人集

杭州府志

吳中人物志

圖繪寶鑑

畫史會要

輟耕錄

鐵網珊瑚

清河書畫舫

無聲詩史

梧溪集

清閼閣

遺藁

容臺集

按無聲詩史云生元季入明尙在未知何據疑年錄攷張志云生宋德祐己巳卒至正十四年甲午

年八十六但德祐無己巳當是咸淳五年也若生於德祐乙亥則當以至正庚子卒方合八十六之數當攷

黃 周字仲文先世固始人占籍邵武元季擢本邑

令尋判邵武工墨竹於書無所不覽 閩書 邵武府志

明

黃 蒙字養止以字行瑞安人 無聲詩史 永樂中授

作永嘉人

中書舍人仕至禮部郎中寫山水得公望佳處筆致清潤借子采相繼以書法直內閣俱擅詩文 溫州府志 畫史會要 無聲詩史 圖繪寶鑑續纂

黃壺石甌寧人祖仲芳以永樂間進士仕至方伯家蓄古書畫壺石日臨摹不輟寫山水人物人擬之

吳偉陳子和世多寶之 福建通志

黃希穀工畫松 明書畫史

黃暹字孟東蒲田人為祁陽儒學訓導善書畫能吟咏祁陽縣志

黃諫字廷臣高郵人徙蘭州正統壬戌進士入詞垣天順中為侍講學士能吟咏畫法宋元諸家一臻妙能對鏡寫真又善白菜博涉經史百氏書工詩善書及古篆隸著古文正畫史會要 列卿記 玉劍尊聞

黃璨臨繪寶鑑續纂作燦字蘊誅永嘉人宣德間直內閣畫

稱佳妙詩文書亦善圖繪寶鑑續纂 無聲詩史

黃諤字廷直工山水餘姚縣志

黃珍字懷季休寧人無聲詩史 正德丁卯貢士官

教諭花草有黃筌筆意書學徐髯仙詩亦可觀江寧府志 無聲詩史

黃子錫字復仲工繪事每借筆抒意嘉興縣志

黃克晦字孔昭惠安人閩書作 少時於沙岸畫沙作

山水景物長學畫宗沈周筆甚蒼勁稱神品閉戶

經月成者尤可傳為詩髣髴顏謝詩畫書稱三絕

著北平藁楚游集匡廬唱和集五野詩集福建通

志 惠安縣志 閩書 閩游詩話 閩畫記

黃尙質號墨泉縣志作 醒泉餘姚人嘉靖己酉孝廉為景

州知府山水人物古色黯然紹興府志 餘姚縣

志 畫史會要

黃昌言嘉靖時人官吏部山水大幅不在文徵明下

畫史會要

黃 漳莆田人為岳州通判善畫能詩工文翰閩書

黃久菴畫學王維霞溪漫藁

黃用中字道行號古山閩縣人山水竹石天趣不羣

當入逸品能詩善書福建通志 閩書記

黃之璧字白仲上虞人工詞章書畫名重一時畫史

會要

黃希憲字千頃通州人善山水花草同上

黃道周字幼元一字螭若號石齋漳浦人天啟壬戌

進士歷禮部尙書山水人物長松怪石極其磊落
真草隸書自成一大家漳人之善書者推之工詩以
文章風節高天下嚴冷方剛不諧流俗公卿多畏
忌之經筵進講請培養人才且言剿賊當審形勢
日上三疏一劾楊嗣昌一劾陳新甲一劾方一藻
學貫古今詩文敏捷所至學者雲集講學不倦精
天文理數皇極諸書明亡繫於金陵在獄日誦尙
書周易數月貌加豐正命之前夕有老僕持緘線

向公而泣曰是我侍主之終事也公曰正而斃是
爲考終汝何哀故人持酒肉與訣飲啖如平時酣
寢達旦起盥漱更衣謂僕曰曩某索書吾旣許之
不可曠也和墨伸紙作小楷次行書幅甚長乃以
大字竟之加印章始出就刑萬厯乙酉生順治丙
戌卒年六十有二諡忠端崇祀孔子廟庭著儒行
集傳易象正義三易洞璣洪範明義孝經集傳續
離騷石齋集

明史本傳

明史藝文志

漳州府

畫史彙傳

志 黃石齋行狀 圖繪寶鑑續纂 方望溪集

黃 彪號震泉蘇州人摹倣張擇端清明上河圖幾

欲亂真 無聲詩史

黃景星號平泉彪子精於倣古擬仇英人物士女姿

態艷逸 無聲詩史彪傳

黃 鵠南陽人有洛申九老圖為王世貞許可 無聲

詩史 弇州續藁

黃石符字圯人福建人美人豐頤廣袖霧鬢雲鬟頗

得周昉遺格 無聲詩史

黃 擔字任善莆田人水墨花草皆具興致詩文有

別趣時亦放筆為草篆後遊三晉卒於雲中 莆田

縣志

黃 祥號水雲邵武人工書畫濃淡停勻儼有生意

嘗作宮女一圖畫至六七百人所嬉所服所事絕

不犯複時稱奇絕 福建通志

黃 中字無言邵武人萬厯間布衣善繪事清矯不

肯詭隨益王招之不往或以為諷守中日某散人也豈能作王門客哉以孝友稱同里生黃應甲以

高士稱之

邵武府志

黃應僖閩人詩文字畫兼工

遠齋詩草

黃金聲號三臺泰寧人繪事得宋元遺意

邵武府志

黃彝字子曰莆田人善山水

莆田縣志

黃章字斐士莆田人善人物

同上

黃起雜莆田人天啟甲子領鄉薦恬淡以詩畫名

同

黃卷字聖模莆田人善山水美人

圖繪寶鑑續纂

畫名家錄

黃宸字景州自稱長嘯生吳江人山水花鳥不喜

附麗有隱者風

畫名家錄

黃翊字九霄餘姚人善竹石菊花引泉為池植菊

數百本朝夕嘯咏習其煙容傲色故畫菊稱妙品

亦能為近體詩

餘姚縣志

畫史會要

黃淳字鳴谷新會人萬曆庚辰進士爲寧海知縣
下車卽鼎新方孝儒祠堂以崇教化會有履畝之
役躬巡阡陌吏胥不敢奸勦豪猾無所梗避上官
忌之間其善畫故令索之淳謝曰罷邑令救過不
遑遑及畫哉竟以此得罪謝歸闢洞鳴山構定帆
亭歌詠其中晚年自號六柳先生以況彭澤賑飢
築城爲德於鄉里嘗與孝廉李以龍修縣志著有
鳴山堂集李杜或問卒年八十有五

廣東通志

國朝

黃與堅字廷表號忍菴太倉人順治己亥進士康熙
己未舉鴻博仕至贊善少孤力學爲顧鉞舅氏畫

筆相類

畊硯田齋筆記

寶山縣志

黃

閣善畫石有石譜

畊硯田齋筆記

黃

傑字當時吳人入郡庠工書畫

蘇州府志

黃宗炎字晦木一字立谿人稱鷓鴣先生餘姚人忠
端公尊素次子崇正時明經甲申後隱遊石門海

畫史身傳
昌賣畫自給宗小李將軍趙于里工繆篆善製研
著有周易象詞尋門餘論學圃辨感諸書

畫徵續錄 書畫紀略

黃向堅字端木吳人父孔昭以孝廉作宰滇中姚江
道梗不得歸向堅徒步尋父奔走猺獞之地兩載
之白鹽井始遇二親迎歸世稱完孝計順治辛卯
出門癸巳始歸里所寫山水皆其所歷滇中景況
多用乾筆結構嚴密歸後孝養二十年而母歿孔

昭猶優游林下為吳中耆舊年九十無疾終向堅
年已六十五矣猶孺慕哀號尋以病卒至乾隆己
未旌於

蘇州府志 畫徵續錄

黃甲雲字唱韓河南襄城人有異才順治間以拔貢
授樂安知縣所繪人物徑寸眉目衣冠不亞唐宋
山水不專宋法機趣橫生能書工詩居官時作耶
田法圖上之大府

聞於

朝特設屯田御史依法盡畫山左之地著楚遊草

繪寶鑑續纂 畫徵續錄

黃 谷真南人為張遠師寫真好手也 畫徵錄張遠

傳

黃 士字翰侯莆田人順治間諸生有雋才工畫美人嘗戲作傳奇踏蹬名場困厄以死人以爲少年

綺語之過云 蘭垓詩話

黃 璵字基玉閩人國初歷官廣東肇羅僉事乞歸

居金陵喜作幽蘭奇石皆有生意倜儻不羈性愛

佳山水以吟咏自豪爲詩縱橫有法度與許友齊

名著姬山集岱游草西江日譜 福建通志

黃彥標字樹之號樸亭惠安人康熙甲戌進士寫山

水花草得宋元逸趣人以交沈推之故士大夫八

閩每爭索其畫作文軌範先正亦有名 泉州府志

惠安縣志

黃運開字先登寶山人潑墨作雲山竹石有宋元人意崇明縣志

黃應諶字敬一號劍菴順天人為上元縣丞人物鬼判嬰孩傳染一遵古法供事

內廷叛關武圖

賜官中書養老榮之

圖繪寶鑑續纂

熙朝名畫錄

黃鑰字北門金陵人山水師李繩之

圖繪寶鑑續

纂

黃衍相字六治福建人寄寓永平仕為內閣典籍善

寫墨蘭

同上

黃經字維之又字濟叔別字山松如臯人山水師

大癡精蘊工詩詞善書法圖章

圖繪寶鑑續纂

讀畫錄

黃玠字憲尹號怡谷吳人工山水有學行

畫徵錄

金俊明傳 十二研齋集

黃中理字茗隱日用之物以匏充者九故自號九匏

道人南滙諸生工牡丹畫蘭雜草更精家貧以畫

餬口與兄弟白首同居年八十 南滙縣志 百幅

菴畫寄

黃 曉字梧岡吳人善畫鹿 畊硯田齋筆記

黃 河原名野字日林松江人性情狂怪見禽蟲草

木描寫逼真初少骨多肉後游邊塞遇一畫師謂

之曰奈何如唐之韓幹也聞之技遂大進改是名

以別於前云畫馬有曹將軍風 婁縣志 圖繪寶

鑑續纂 百幅菴畫寄 松江詩徵

黃泰來字交三泰州人善畫雅嫻詞賦兼工篆隸 齊

墨堂詩傳

黃 堅字幼直號實齋李麟弟子人物得吳偉法 鄞

志

黃 鼎字尊古號曠亭又號獨往客晚號淨垢老人

常熟布衣山水受法於王原祁游覽徧天下評者

謂王翬看盡古今名畫下筆有成處鼎看盡九州山水下筆有生氣並稱大家所繪溪山行旅圖得邀

睿鑒褒題性伉爽不受纏縛年羹堯開府秦中具幣招往至則聞其縱恣無節遂策馬還途中繪終南雲氣武功太白諸圖以壯行色聞者高之順治庚寅生雍正庚戌卒年八十有一

熙朝名畫錄

江南通志

常熟縣志

畫徵錄

一瓢齋詩話 歸愚文鈔

黃

彭字丹麓嘉定人山水得北苑神髓樸菴文鈔

寶華居士畫跋

按虞山畫志云字堯臣號麓隱山水花鳥筆致秀潤附錄備考

黃

松字天其號黃石又自署名作太松太平人花

鳥師周之冕臨摹舊蹟無不精妙

圖繪寶鑑續纂

畫識

黃日起字伊且號桐菴

畫徵續錄作筠菴

吳人以淡墨作瘦

石不用渲染而凹凸自具

畫徵續錄

在亭鼓藁

黃本復字來一號仙源松子居新安花鳥草蟲筆意

閒雅

百幅菴畫寄

碌碌生雜咏

黃

石字彙萬工山水畫石尤得二米筆意

青浦縣

志

黃學榮字文石休寧人善畫工詩能書有聲北雍

黃

唐堂集

黃

慎字恭懋號瘦瓢閩人僑居揚州雍正間布衣

畫兼倪黃出入仲圭之間字學懷素工詩事母以

孝稱

汀州府志

閩遊詩話全閩詩錄

巴山

文集

鄭板橋集

黃

璧字小癡潮陽人山水渾厚意在梅花和尚也

故題款亦作草書

畫徵續錄

黃

佰字端右南匯人嘗圖人物尤工傳神

江南通

志

奉賢縣志

黃 璧字白元江西人山水人物翎毛精妙寫照絕倫
圖繪寶鑑續纂

黃 簡字惟文吳人善寫照 同上

黃 燧字薪傳楷子傳其父業尙存古法 奉賢縣志

黃 琮字耀琨號耕雲崇明人葡萄松鼠入妙品 崇明縣志

黃 綱字立山寶山人善摹文與可竹 同上

黃 鐘字律陽崑山人以歲貢授阜寧訓導善書畫

工詩幼負神童之目受古文法於程空方苞學有

源委卒年七十有三 崑新志藁

黃 舟字聲玉建寧人山水蕭疎淡遠人物花鳥神

致如生 建寧府志

黃 達字石儔號鴿峰彭子善山水尤長花鳥工詩

晚年潛心內典 常熟縣志

黃 逸字菊存彭子繪事有父風 虞山畫志

黃宏業字學和常熟人工雜畫 同上

黃知彰字貫芬號秋圃南匯明經山水小幅自寫性

靈精鑑古搜羅甚富築煙霞閣收藏為祝融收去

胸無俗慮惟以花徑松濤清池怪石自娛康熙甲

申生乾隆戊子卒年六十有五著得得龕詩稿煙

霞閣集百幅菴畫寄

墨香居畫識

松江詩徵

黃

端奉賢人工傳神

墨香居畫識

黃繼祖字弓良號秋山新安籍居魏塘寫意花鳥在

青藤白陽之間山水淵懋渾成尤近梅花菴主兼

精鑑別

同上

黃照字煦堂繼祖叔善山水僑寓維揚人謂繼祖

以沉著為宗照別具疎秀之致同學異能真堪競

爽

同上

黃圻字文石繼祖弟工鈎染花草畫菊筆情幽秀

冷香可掬

同上

黃呂字次黃號六鳳山人歙人山水人物花鳥蟲

魚皆臻妙境工詩文書法晉人并工篆刻晚年益

樸茂作畫每以自鑄印鈐之人謂四美具備焉同上

黃掌綸字展之號吟川福建龍溪人書法荆關有大

家風格世有隱德鄉里稱通德黃家沉潛篤學酷

嗜金石文字工詩行楷有古致著吟川詩鈔同上

黃 塤字振武號丙塘歙人父業鹽筴於浙以商籍

補諸生墨菊頗饒幽致竹則雙管交飛解悟昔人

怒喜行筆之旨甫成童九經史漢即能貫串融會

與人交胸無町畦工大小篆隸亦復寄興鐵筆同上

黃 增字方川號筠谷長洲人供奉

內廷乾隆庚寅寫

御容給八品頂帶工山水及寫真人物落落大方以

終養歸里卒年六十外同上

黃 震字振宇號竹廬太倉人制軍畢沅招之入關

恣覽形勝作太華圖并自寫雲山小像氣蒼神逸

名人競為題咏為人有先輩風

同上

黃

燦字冠山號野亭嘉善人僑居吳之楓鎮喜倣

袁尚統間作人物樹石秀雅有卷軸氣似亦不為

所囿寫梅亦佳

同上

黃樹穀字松石仁和人書畫為張司寇照所重著楷

瘦齋稿

蝶影園書畫雜綴

黃

易字小松樹穀子仕為山東同知山水得董巨

法工詩文精篆刻習刑書有聲幕府以詩筒畫筆

與簿書迭進不廢風雅乾隆甲子生嘉慶辛酉卒

年五十有八有小蓬萊詩

畊硯田齋筆記

黃德源字茂椒洞曉音律嘗於市中得古鐵簫品之

有異聲因為號郵人太學生工山水蘭竹又從武

林奚岡寫生善篆刻通堪輿術

墨香居畫識

黃

鶴字石屏丹徒人花草翎毛生動有致安貧賣

畫自給不干求於貴戚云

同上

黃純嘏字錫之善畫工詩有豪氣

花間笑語

黃鉞字左田當塗人乾隆庚戌進士戶部尙書山水得蕭雲從餘韻層巒疊嶂不使人一覽而盡善

書工詩文

墨香居畫識

黃恩長字奕載號蒼雅長洲人花草宗南唐徐氏人物似吳小仙工細學仇十洲詩文得外舅王光祿鳴盛指授尤精篆刻有敦好齋印譜于頤堂畫譜

同上

嶠號兩峰江西南城人歷官江蘇知縣山水高

曠 同上

黃道珪字韞菴安徽麗江人潑墨山水人物天趣盎然 耕硯田齋筆記

黃晟字香涇吳人陳均姪婿乾隆庚申孝廉寫意花草蒼勁中有秀潤氣象工詩文能書俱為成耶

嘉賞

同上

黃毓麟字蔬香金山人山水法華亭

同上

黃叔元字雲山乾隆時吳人善畫驢濡禿筆疾塗輒

書史彙傳
妙絕衆史臨倣不似也亦善寫照爲人豁畧無町畦布帛菽粟習醫不取售好讀中庸關尹子書性精巧有思未之學者皆能爲之爲則傾學者嘗埏土象人極相似秋士先生集

黃大楚香山人文裕公八世孫精寫白描人物亦善道釋圖像劍光樓筆記

黃駢字嶽領安徽人舉孝廉官山東莘縣知縣畫梅蘭竹有三絕之稱蜨隱園書畫雜綴

黃丹書字廷受一字虛舟順德人乾隆乙卯孝廉官訓導山水蘭竹俱有逸致兼工隸法爲人灑落狷

潔廣東通志 嶺南羣正 劍光樓筆記

黃玉衡字在菴丹書子官御史書畫傳家學同上

黃沃棠字蔭亭香山諸生墨蟹山鳥殊有別趣善書工詩有楚游草劍光樓筆記

黃培芳字子實號香石香山人嘉慶甲子副車以武英殿校錄得官教諭山水宗九龍山人善書爲經

師三十年學者稱謂粵嶽先生著嶺海樓十種卷
南羣正 溪山臥游錄 劍光樓筆記

黃元章荆門諸生乾隆甲戌修志延元章繪圖荆門

州志

黃大笙字詩六有白描水滸傳能左手臨孫過廷書

譜作反字背觀亭髮無矢亦精音律揚州畫舫錄

黃溱字正川號山臞方士庶弟子山水淋漓得虞

山正派同上

黃珍字西清號山民又號筠夫錢塘人少孤讀書

不得志學畫入神善古文能詩骨清而味腴兩浙

名畫記

黃基善字端揆號蓮溪桐鄉人善繪事工吟咏同上

黃謨字啟人號愚谷海鹽諸生初於山水花卉翎

毛草蟲無不精妙後獨寫山水宗北苑巨然專事

水墨有以設色請者對曰墨中未嘗無色也年臻

耄耄猶媿媿不倦性恬淡敦孝友撫琴善奕以自

娛乾隆丙辰生嘉慶庚午卒年七十有五 畊視田齋筆記

黃時敏字二煙崇明人嘉慶癸酉舉孝廉為長洲教

諭善山水又善畫魚 同上

黃錫敷字用民號寧橋諱次子能世其學寫生更精

惜不永年故傳世者少 同上

黃樂之字愛廬順德人嘉慶壬午孝廉為吏部主事

善蘭竹工山水 劍光樓筆記

黃庚 南海人善畫馬又善墨竹 同上

黃其勤字舟山新會人乾隆乙卯舉孝廉為南雄州

學正善山水工隸書 同上

黃鑰字魚門歸善諸生山水沉著工隸書精篆刻

能詩 同上

黃南村字柏心 丙辰舉制科寫意梅花

得書卷氣 畊視田齋筆記

黃士爽字西山泗州諸生墨竹宗文湖州 泗州志

黃一峯

士爽子畫宗家學

同上

黃太松字蔚岩太平人翎毛花卉稱妙山水尤難得

嗜飲知其癖者招飲濡墨俟興至揮毫頃刻盡數

紙相國張玉書得其畫幅如獲珍寶

寧國府志

黃裔字兩先太松曾孫山水蒼秀翎毛花卉不失

家傳

全上

黃

綬字晉封揚州人工山水善畫楊柳

畊硯田齋

筆記

黃

均字毅原元和人官楚北善山水

畫林新詠

黃明薰號越塵新會人粵秀山三元宮道士山水秀

朗工詩能書善琴精奕好施與重氣誼

劍光樓筆

記

黃一

士來于畫宗家學

黃大松字耐若太平人初善花卉初妙山水尤雅

嗜飲知其醉者始飲酒後至神聖頃刻畫

紙相國張王書得其畫幅如獲珍寶

黃高字爾先太松曾孫山水蒼秀翎毛花卉不生

暇工指論畫善琴瑟奕棋賦興重景畫

黃明善字汝望濠會人初善山水三兵宮嶽土山水

黃世字煥烈天味人官夢北善山水

畫林傳

